

方以類聚

傷暑

必自汗。背寒面垢。神思倦甚。暑傷氣而不傷形也。與熱病外症相似。但熱病脉盛。暑病脉虛。

○伏暑發熱作渴嘔惡及赤白痢消渴腸風酒毒泄瀉諸病並宜酒煮黃龍丸主之。川黃連一觔切以好酒二升半煮乾焙研糊丸梧子大每五十熟水下日三

○伏暑傷冷二氣交錯中脘痞結或泄或嘔或霍亂

R28P2

厥逆二氣丹硫黃硝石等分研末石器炒成沙再
研糯米糊丸梧子大每四十新井水下

○伏暑引飲脾胃不利消暑丸用半夏酢煮一餮
苓半餮生甘草半餮爲末薑汁麴糊丸梧子大每
五十熱湯下

○暑月解毒桂苓丸用肉桂去麁皮不見火茯苓去
皮等分爲細末煉蜜丸龍眼大每新汲水化服一
丸

○酒煮黃連丸治伏暑發熱嘔吐惡心並治膈熱解酒毒厚腸胃黃連去鬚十二兩好酒五觔煮乾研末滴水丸梧子大每三五十空心熟水下

○香薷飲治一切傷暑及臥濕當風或生冷不節與邪相干便致吐利或發熱頭痛體痛或心腹痛或轉筋或乾嘔或四肢逆冷或煩悶欲死用香薷一觔厚朴薑汁炙白扁豆微炒各半觔剉散每五錢水二盞酒半盞煎一盞水中沉冷連進二服活人

書去扁豆入黃連四兩薑汁同炒黃色用

○香薷湯白扁豆炒茯苓神厚朴去麤皮剉薑汁炒各一兩香薷二兩甘草炙半兩共爲細末每二錢不拘時沸湯點服鹽湯亦得

○清暑益氣湯黃芪一錢半汗少減五分蒼朮一錢半升麻一錢入夜去蘆白朮陳皮神麴澤瀉各五分甘草炙黃檗酒浸葛根青皮去瓢當歸身麥門冬去心各三分五味子九粒水二大盞煎一盞去

登發遠稍熱服劑之多少臨時斟酌

○六合湯治心脾不調氣不升降霍亂吐瀉寒熱交
作傷寒陰陽不分冒暑伏熱煩悶或成痢疾中酒
煩渴畏食香薷二錢縮砂仁半夏湯洗七次杏仁
去皮尖人葠去蘆甘草炙各五分赤茯苓去皮薑
香去土白扁豆薑汁略炒厚朴薑製木瓜各一錢
水二鍾薑五片紅棗一枚煎一鍾不拘時服
○黃芪人葠湯黃芪一錢如自汗過多者加一錢人

茯苓去蘆白朮各五分蒼朮半錢無汗一錢極汗不
去白甘草炙當歸身酒洗麥門冬去心各二分黃
檉酒洗神麴炒各三分升麻六分五味子九粒水
二盞煎一盞去渣稍熟食遠或空心服忌酒濕麪
食冷物大料之類如心下痞悶加黃連二三分胃
脘當心痛減大寒藥加草薢薏仁五分脅下痛縮
急加柴胡二三分頭痛目中溜火加黃連二三分
則芎三分頭目不清利上壅上熱加蔓荊子三分

藁本二分細辛一分川芎三分生地黃二分如氣
短精神少夢寐間困乏無力加五味子九粒大便
澀滯隔一二日不見者致食少不下血中伏火不
得潤也加當歸身生地黃各五分桃仁三粒去皮
尖另研麻子仁研泥五分得大便通行所加之藥
勿再服如仍不快利加大黃煨半錢又不利則非
血結血秘故也是熱則生風其病必顯風證單血
藥不可復加並止常服黃芪人葠湯只用羌活半

兩防風半兩二味以水四盞煎一盞去渣空心服
後大便必大走也一劑便止胃中氣滯加青皮陳
皮去白倍之去其邪氣此病本元氣不足惟當補
元氣不宜過瀉氣滯太甚或補藥太過或心下有
憂滯鬱結之事更加木香二分或三分砂仁二分
或三分白豆蔻仁二分與正藥同煎服之腹痛不
惡寒者加芍藥半錢黃芩二分減却五味子

傷濕

發熱惡寒。身重自汗。骨節疼痛。腰脚痺冷。小便多澀。大便多泄。因天之濕霧露。天本乎氣。先中表之榮衛。地之濕泥水。地本乎形。先傷皮肉筋骨血脉。飲食之濕酒乳。胃爲水穀之海。故傷脾胃。汗液之濕。亦氣也。止感於外。人氣之濕。大陰濕土之所化也。乃動於中。大抵宜發汗。利小便。上下分消。

○濕氣身痛。蒼朮。泔浸切。水煎取濃汁。熬膏。白湯點。

服或白朮

○濕滯足腫早輕晚重用草烏頭一兩以生薑一兩同研交感一宿蒼朮一兩以葱白一兩同研交感一宿各焙乾爲末酒糊丸梧子大每五十酒下

○寒濕氣痛端午日收獨蒜同辰粉搗塗

○風濕走痛牛皮膠一兩薑汁半盃同化成膏攤紙

上熱貼冷卽易

○風濕臥牀不起用金鳳花栢子仁朴硝木瓜煎湯

三卷
洗浴每日二三次內服獨活寄生湯

○烏木丸除風去濕治痺用草烏頭一觔蒼木二觔以去白陳皮半觔生甘草四兩黑豆三升水一石同煮乾只揀烏木曬焙爲末酒糊丸梧子大焙乾每空心溫酒下二三十覺麻卽漸減之

○成已丸治脾胃不足濕熱乘之泄瀉不止米穀不化黃連去鬚吳茱萸去梗炒白芍藥各五兩爲末麪糊丸梧子大每三十空心米飲下

○獨活寄生湯治腎氣虛弱冷臥濕地腰腿拘急筋
骨攣痛當風取涼過度風邪流入脚膝爲偏枯冷
痺緩弱疼痛或腰痛牽引脚重行步艱難獨活桑
寄生如無以川續斷代杜仲去皮切炒去絲牛膝
細辛秦艽茯苓桂心防風芎藭人蔘各一錢半甘
草當歸芍藥乾地黄各一錢水二大盞生薑五片
煎七分食前溫服

○腎著湯治腎虛傷濕身重腰冷如坐水中不渴小

便自利乾薑炮茯苓各四兩甘草炙白朮各二兩
每服四錢水一盞煎七分空心溫服

○滲濕湯治寒濕所傷身體重著如坐水中小便赤
澀大便秘泄蒼朮白朮甘草炙各一兩茯苓去皮
乾薑炮各二兩橘紅丁香各二錢半每四錢水一
盞棗一枚薑三片煎七分食前去渣溫服

○清熱滲濕湯黃檗鹽水炒二錢黃連茯苓澤瀉各
一錢蒼朮白朮各一錢半甘草五分水二鍾煎八

傷濕

分溫服如單用滲濕去黃連黃檗加橘皮乾薑

傷燥

在外則皮膚皴揭。在上則咽鼻焦乾。在中則煩渴。在下則便難。皆屬燥金之化。然能令金燥者火也。金既燥絕。寒水生化之源。不能灌溉周身。如醇酒炙肉。餌石熱劑。皆能助狂火而損害真陰。

滋燥養榮湯治皮膚皴揭筋燥爪乾當歸酒洗二錢生地黃熟地黃白芍藥秦艽黃芩各一錢五分防風一錢甘草五分水煎溫服

○清涼飲子治上焦積熱口舌咽鼻乾燥黃芩黃連
各二錢薄荷玄葎當歸芍藥各一錢五分甘草一
錢水二鍾煎八分不拘時服大便秘結加大黃三
錢

○大補地黃丸治精血枯涸燥熱黃蘗鹽酒炒熟地
黃酒蒸各四兩當歸酒洗山藥枸杞子各三兩知
母鹽酒炒山茱萸肉白芍藥各二兩生地黃二兩
五錢肉苁蓉酒浸玄葎各一兩五錢共爲細末煉